



Broj: 02-05-2132/18
Lukavac, 23.08.2018.godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-2132/18 od 22.08.2018.godine u postupku nabavke roba za elektrifikaciju stambenih jedinica raseljenih osoba i povratnika ZPE¹²⁻¹³, Općinski načelnik d o n o s i

ODLUKU

o izboru najpovoljnijeg ponuđača za nabavku roba za elektrifikaciju stambenih jedinica raseljenih osoba i povratnika ZPE¹²⁻¹³

Član 1.

Prihvata se preporuka Komisije za provođenje postupka javne nabavke broj: 02-05-2132/18 od 22.08.2018.godine i Ugovor za javnu nabavku roba za elektrifikaciju stambenih jedinica raseljenih osoba i povratnika ZPE¹²⁻¹³ dodjeljuje ponuđaču ERING doo Živinice, a prema ponudi broj: 309/18 od 13.08.2018.godine, dostavljenoj dana 13.08.2018.godine i konačnoj rang listi nakon završene e-aukcije, za ponuđenu cijenu u vrijednosti od 12.600,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45. stav (2) tačka od a) do d) Zakona o javnim nabavkama BiH, navedene u tački 12.1. Tenderske dokumentacije, broj: 02-05-2132/18, iz člana 47. Zakona o javnim nabavkama BiH i navedene u tački 13.2.4. Tenderske dokumentacije, broj: 02-05-2132/18.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Ova odluka objavit će se na intrenet stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-2131/18 od 23.07.2018.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 15.084,00 KM.

Obavještenje o nabavci broj: 719-1-1-59-3-71/18 objavljeno je na Portalu javnih nabavki dana 24.07.2018.godine.

Komisija za provođenje postupka nabavke imenovana Rješenjem broj: 02-05-2171/18 od 26.07.2018.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-2132/18 od 14.08.2018.godine, Zapisnik o pregledu i ocjeni ponuda nakon održane e-aukcije, broj: 02-05-2132/18 od 22.08.2018.godine, Preporuku o izboru najpovoljnijeg ponuđača broj: 02-05-2132/18 od 22.08.2018.godine i Izvještaj o radu broj: 02-05-2132/18 od 22.08.2018.godine.



U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri ponude;
- da su blagovremeno primljene tri ponude;
- da nije bilo neblagovremeno primljenih ponuda;
- da je ponuda ponuđača ORBITER doo Tuzla odbačena, jer je isti na strani 18., priložio običnu kopiju potvrde NLB Banka, broj: 101011-17827/18 od 25.07.2018.godine u kojoj nije navedeno da transakcijski račun ponuđača nije bio u blokadi zadnjih 6 mjeseci. Zbog navedenog, a u skladu sa tačkom 13.2.2. stav a) tenderske dokumentacije za dostavljanje ponuda i članom 68. stav (1) Zakona o javnim nabavkama, komisija je ponudu ponuđača ORBITER doo Tuzla odbacila.
- da su ponude ponuđača ERING doo Živinice i ELEKTROCENTAR PETEK doo Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 15.084,00 KM i da je kriterij za dodjelu ugovora najniža cijena.

Nakon održane e-aukcije je utvrđeno da je ponuđač ERING doo Živinice ponudio najnižu cijenu u vrijednosti od 12.600,00 KM bez PDV-a, budući da je u svojoj ponudi dostavio specifikaciju roba koje su predmet preferencijalnog tretmana i potvrdu Vanjskotrgovinske komore BiH, broj: 05-05-03-27-3812/18 od 07.08.2018.godine, u kojoj je navedeno da više od 50% proizvoda koji su predmet javne nabavke zadovoljavaju uvjete za izdavanje certifikata o bh porijeklu. Budući da roba navedena u specifikaciji čini više od 50% roba koje nudi ponuđač ERING doo Živinice u svojoj ponudi, Komisija je na istu, a u svrhu poređenja ponuda u skladu sa Odlukom Savjeta ministara BiH o obaveznoj primjeni preferencijalnog tretmana domaćeg („Službeni glasnik BiH“, broj: 103/14), primijenila preferencijalni faktor domaćeg u visini od 10%, tako da je cijena 12.600,00 KM bez PDV-a umanjena za 10% i ista iznosi 11.340,00 KM bez PDV-a, i kao takva je rangirana na prvo mjesto.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se putem ugovornog organa izjavljuje Uredu za razmatranje žalbi Bosne i Hercegovine-Filijala Mostar, u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. ERING doo;
2. ELEKTROCENTAR PETEK doo;
3. ORBITER doo;
4. Evidenciji;
5. Arhivi.

